



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1735. usque ad annum 1737

**Fleury, Claude**

**Augustæ Vindelicorum [u.a.], 1786**

**VD18 90119347**

§. 37. Nicolai Spinulæ Cardinalis obitus & elogium.

---

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

Romana decoravit Purpura, qui Pesby-  
 terialem titulum S. Pudentianæ conse-  
 cutus est. Tandem etiam Pontifex im-  
 portunis Hispanæ Reginæ votis ac pre-  
 cibus cessit, ac die decimâ nonâ De-  
 cembris ejus Filium Ludovicum Anto-  
 nium octennem puerum primo, ut re-  
 tulimus, Toletanæ Ecclesiæ Admi-  
 nistratorem & Commendatarium usque  
 ad legitimam Archiepiscopalis officii  
 ætatem dixit, ac demum hoc anno  
 Cardinalium Collegio adscripsit, eique  
 Diaconiam in Ecclesia PP. Carmelita-  
 rum Discalceatorum ad S. Mariam de  
 Scala attribuit. Ceterum de hoc Car-  
 dinale Ecclesia potius spes amplas,  
 quam res gestas deprædicare poterat,  
 dum de tanto Principe ad maxi-  
 mas Ecclesiæ dignitates admovendo  
 insigne sibi præsidium, vel saltem mag-  
 num splendorem pollicebatur.

Sæc. XVIII.  
 A. C. 1735.

§. XXXVII.

*Nicolai Spinulæ Cardinalis obitus.*

**H**is recens electis Cardinalibus locum  
 cesserat Nicolaus Spinula genere  
 quidem Genuensis, in Hispania ta-  
 men, ubi tum ejus Parentes agebant,  
 natus. Genitor ejus erat Joannes Do-  
 minicus Comes de Pezzuola, & Mater  
*Hist. Eccles. Tom. LXXV.*      **Q**      Schi-

Sæc. XVIII.

A. C. 1735.

Schiattini Ducis Filia, quorum cura  
 Nicolaus optimis datus est Præcepto-  
 ribus probe instituendus, ut præprimis  
 solida in pietatis ac literarum studi-  
 poneret fundamenta. Adultior factus  
 Romam mittitur, ubi Joannes Baptista  
 Spinula Cardinalis, ejus Patrum  
 Nepotem suum gravioribus disciplinis  
 tam egregie imbui curavit, ut is in  
 Juridica Facultate Doctoratus honore  
 emereret: paulo post a summo Pon-  
 tifice inter Præsules Romanæ Curie  
 cooptatus, Prothonotariis Apostolicis  
 adscriptus est, ac demum meritorum  
 amplitudine rapidum fortunæ cursus  
 impellente, regendis variis Ecclesi-  
 sticæ ditionis Urbibus admovebatur.  
 cum ergo in hoc Gubernatoris munere  
 maximam sibi integritatis ac pruden-  
 tiæ laudem comparasset, ab Innocen-  
 tio XIII. Cameræ Apostolicæ Clericus  
 Urbis Romanæ Ædilis, & a Clemen-  
 te XI. Thebarum Archiepiscopus dignatus  
 est, quo honore auctus, primo Flo-  
 rentiam ad Cosmum III. Magnum Ele-  
 cturæ Ducem, & demum in Poloniam  
 ad Augustum II. Regem Pontificis  
 Legatus decernebatur. Fungebatur  
 adhuc hac legatione, dum anno Chris-  
 tianitatis supra millesimum septingentesimum  
 sexto Stanislaus Lescinskius Posnani-  
 ensis Palatinus hujus Regni solium oc-  
 cupavit.

cupabat, cujus tamen electio, cum Sæc. XVIII.  
A. C. 1735.  
Clementi XI. Papæ tunc minus probaretur, non novo huic Regi sed soli Reipublicæ suffragari iussus est Nicolaus; ubi vero anno nono Stanislao e Regno depulso, Augustus Rex legitimus sceptrum repetebat, Nuntius Apostolicus Varsoviæ ad publicum alloquium benigne admittus, Regi binas Pontificis epistolas porrexit, quarum prima a confederationis Marescallo palam prælecta est. Postea Pontifex Nuntio suo præcepit, ut Regiæ suæ Majestatis necnon Reipublicæ commodum omni possibili modo procuraret, ac dissidentes Regno expelli niteretur. Biennio post Nicolaus Romam revocatus, Cameræ Apostolicæ Auditor Generalis renunciabatur, ac die decima sexta Decembris anno hujus sæculi decimo quinto Cardinalium Collegio adscriptus, titulum S. Sixti, & postea SS. Nerei & Achillei optabat. Pluribus dein aggregatus Patrum cætibus Congregationis Olivetanæ, & Ordinis Carmelitani Protectorem egit. Interfuit postea Concilio Lateranensi, & tribus sacris comitiis, in quibus Innocentius XIII. Benedictus XIII. & Clemens XII. ad D. Petri Cathedram evecti fuerant. Demum vero anno ætatis septuagesimo sexto die duodecima

O 2                      Aprilis

Sec. XVIII.  
A. C. 1735

Aprilis pie in domino decessit. Corpus  
ejus elatum fuit ad Ecclesiam S. An-  
dreæ de Valle, ibique adstante Sacro  
Cardinalium cætu justis de more per-  
solutis, ad Ecclesiam Collegii de Pro-  
paganda fide translatum, sepultum  
que quiescit. Redditus suos, quos  
amplissimos habebat, potissimos in  
causas pias condito testamento des-  
navit, vivus autem cum cohæredibus  
suis Joanne Luca Fratre suo Dominico  
Augustino ejus Nepote nonaginta  
reorum millia jure hæreditatis æque  
partibus sibi eisque debita S. Congre-  
gationi de propaganda concessit, postea  
vero hic idem Dominicus aliis insuper  
novem millibus de suo ære datis, ex  
inde ad tres ex Illyrico Alumnos in  
Collegio Firmano instituendos plus  
quam duodecim aureorum millia pi-  
largitione tribuit.

§. XXXVIII.

*Principes atque Illustres hoc anno  
fatis functi.*

Inter Principes, qui hoc anno pot-  
terant varia fortunæ fata mundi theatrum  
reliquere, longe celeberrima erat Ma-  
ria Clementina Sobiescki clarissimi ju-  
ta ac invictissimi Poloniæ Regis Neptis